

四庫全書

集部

欽定四庫全書

御定全唐詩錄卷八十

許渾

渾字用晦丹陽人太和六年進士第為當塗太平
二縣令以病免起潤州司馬大中三年為監察御
史歷虞部員外郎睦郢二州刺史有丁卯集

紀事曰渾紀夢詩序云余嘗夢登山有宮室凌雲
人云此崑崙也既入見數人方欲招之至暮而罷

詩云曉入瑤臺露氣清坐中惟有許飛瓊塵心未
盡俗緣在十里山前空月明或云改第二句為天
風飛下步虛聲韋莊讀渾詩云江南才子許渾詩
字字清新句句奇十斛真珠量不盡惠休空作碧
雲詞

徐獻忠曰渾詩雖未登于珪璋之列而烟雲風鳥
之思揉弄亦已盡態

京口志晉時嘗以丁卯日立埭因以名橋渾別墅

在馬集以為名

近體詩

聞居孟夏即事

綠樹蔭青苔柴門臨水開
簟涼初熟麥枕膩乍經梅魚
躍海風起鬣鳴江雨來
佳人竟何處日夕上樓臺

早秋

遙夜泛清瑟西風生翠蘿
殘螢委玉露早雁拂金河
高樹曉還密遠山晴更多
淮南一葉下自覺洞庭波

溪亭

溪亭四面山橫柳半溪
灣蟬響蟾急魚深翡翠間
水寒留客醉月上與僧還
猶戀蕭蕭竹西齋未掩關

暖枕眠溪柳僧齋昨夜期
茶香秋夢後松韻晚吟時
共戲魚翻藻爭棲鳥墜枝
重陽應一醉栽菊助東籬

夜歸丁卯橋村舍

月涼風靜夜歸客泊巖前
橋響犬遙吠庭空人散眠
紫蒲低水檻紅葉半江船
自有還家計南湖二頃田

南樓春望

南樓春一望雲水共昏昏野店歸山路危橋帶郭村晴
烟和草色夜雨長溪痕下岸誰家住殘陽半掩門

遊維山新興寺宿石屏村謝叟家

晚過石屏村村長日漸曛僧歸下嶺見人語隔溪聞谷
響寒耕雪山明夜燒雲家家扣銅鼓欲賽魯將軍

村有魯甫

廟

宿開元寺西樓聞歌感賦

誰家歌裏裏孤枕在西樓竹色寒清簟松香染翠幃月
移珠殿曉風遞玉箏秋日出應移棹三相萬里愁

將歸塗口宿鬱林寺道玄上人院

春尋採藥翁歸路宿禪宮雲起客眠處月殘僧定中藤
花深洞水榭葉滿山風清境不能住朝朝慚遠公

重遊鬱林寺道玄上人院

藤杖叩松關春溪斲藥還雨晴巢燕急波暖浴鷗閒倚
檻花臨水回舟月照山憶歸師莫笑書劔在人間

洛中秋日

故國無歸處
官閒憶遠遊
吳僧秣陵寺
楚客洞庭舟
久病先知雨
長貧早覺秋
壯心能幾許
伊水更東流

長安旅夜

久客怨長夜
西風吹雁聲
雲移河漢淺
月泛露華清
掩瑟獨凝思
緩歌空寄情
門前有歸路
迢遞洛陽城

旅懷

征車何軋軋
南北極天涯
孤枕易為客
遠書難到家
鄉

連雲外樹城閉月中花猶有扁舟思前年別若耶

晚泊七里灘

天晚日沈沈歸舟繫柳陰江村平見寺山郭遠聞砧樹
密猿聲響碧波澄雁影深榮華暫時事誰識子陵心

秋日赴闕題潼關驛樓

紅葉晚蕭蕭長亭酒一瓢殘雲歸太華疎雨過中條樹
色隨關迴河聲入海遙帝鄉明日到猶自夢漁樵

題鄒處士隱居

桑柘滿江村西齋對海門浪衝高山響潮入小池渾出
樹蔭碁局山花落酒樽相逢亦留宿還似識王孫

題韋隱居西齋

斲藥去還歸家人半掩扉山風藤子落溪雨豆花肥寺
遠僧來少橋危客過稀不聞砧杵動應解製荷衣

春日題韋曲野老村舍

遠屋遍桑麻村南第一家林繁樹勢直溪轉水紋斜竹
援畫看筍藥欄春賣花故園歸未得到此是天涯

背嶺枕南塘數家村落長鶯啼幼婦嬾蠶出小姑忙煙
草近溝濕風花臨路香自憐非楚客春望亦心傷

恩德寺

樓臺橫復重猶有半巖空蘿洞淺深水竹廊高下風晴
山踈雨後秋樹斷雲中未盡平生意孤帆又向東

潼關蘭若

來往幾經過前軒枕大河遠帆春水濶高寺夕陽多蝶
影下紅藥鳥聲喧綠蘿故山歸未得徒咏採薇歌

題岫上人院

客病與僧閑頻來不掩關
高窗雲外樹疎磬雨中山
離索秋蟲響登臨夕鳥還
心知落帆處明月淅河灣

贈裴處士

為儒白髮生鄉里早聞名
煖酒雪初下讀書山欲明
字形翻鳥跡詩調合猿聲
門外滄浪水知君欲濯纓

王居士

筇杖倚柴關都城賣卜還
雨中耕白水雲外劖青山
有

藥身長健無機性自閒
即應生羽翼華表在人間

征西舊卒

少年乘勇氣百戰過烏孫
力盡邊城難功加上將恩
曉風聽戍角殘月倚營門
自說輕身處金瘡有舊痕

聞薛先輩陪大夫看早梅因寄

澗梅寒正發莫信笛中吹
素艷雪凝樹清香風滿枝
折鷺山鳥散攜任野蜂隨
今日從公醉何人到接羅

再寄殷堯藩秀才

直道知難用經年向水濱
宅從栽竹貴家為買書貧
就學多新客登朝盡故人
蓬萊自有路莫羨武陵春

姑熟官舍寄汝洛友人

官靜亦無能平生少面朋
務閒唯印吏公退只碁僧
藥鼎初寒火書龕欲夜燈
安知北溟水終日送搏鵬

晚發天井關寄李師海

山在水滔滔流年欲二毛
湘潭歸夢遠燕趙客程勞
露曉紅蘭重雲晴碧樹
高逢秋正多感萬里別同袍

宗聖寺別楊至之

蕭寺暫時逢離憂滿病容寒齋秋少燕陰壁夜多蛩樹
暗水千里山深雲萬重懷君在書信莫過雁回峯

送段覺歸杜曲閒居

書劍南歸去山扉別幾年苔侵巖下路果落洞中泉紅
葉高齋雨青蘿曲檻烟寧知遠遊客羸馬太行前

送客

南國別經年雲晴波接天蒲深鷓鴣戲花暖鷓鴣眠竹

暗相妃廟楓陰楚客船
唯應洞庭月萬里共嬋娟

送客歸湘楚

無辭一盃酒昔日與君深
秋色換歸鬢曙光生別心
桂花山廟冷楓樹水樓陰
此路千餘里應勞楚客吟

送客南歸有懷

綠水暖青蘋湘潭萬里春
瓦樽迎海客銅鼓賽江神
避雨松楓岸看雲楊柳津
長安一杯酒座上有歸人

送客歸吳興

綠水棹雲月 洞庭歸路長
春橋懸酒幔 夜柵集茶檣
箬葉沈溪暖 蘋花遠郭香
應逢柳太守 為說過瀟湘

松江渡送人

故國今何在 扁舟竟不歸
雲移山漠漠 江濶樹依依
晚色千帆落 秋聲一雁飛
此時兼送客 凭檻欲沾衣

重經姑蘇懷古

香徑遠 吳宮千帆落
照中鸛鳴山 欲雨魚躍海
多風城帶晚 莎綠池連秋
蓼紅當年國門外 誰識伍員忠

對雪

飛舞北風涼玉人歌玉堂
簾帷增曙色珠翠發寒光
柳重絮微濕梅繁花未香
茲辰賀豐歲簫鼓宴梁王

看雪

松亞竹珊珊心知萬井歡
山明迷舊徑溪滿漲新瀾
客醉瑤臺曙兵防玉塞寒
紅樓知有酒誰肯學袁安

陪少師李相國崔賓客宴居守狄僕射池亭

池色似瀟湘仙舟日正長
燕飛驚蛺蝶魚戲動鴛鴦
雲

聚歌初轉風回舞欲翔
暖醅松葉嫩寒粥杏花香
羅綺留春色笙竽送晚光
何須明月夜紅燭在華堂

歲暮自廣江至新興往復中題峽山寺

夜醉晨方醒孤吟恐失羣
海鮪潮上見江鵲霧中聞
未臘梅先實經冬草自薰
樹隨山崦合泉到石稜
分虎跡空林雨猿聲絕
絕嶺雲蕭蕭異鄉鬢明日共絲棼

薄暮緣西峽停橈一訪僧
鷺巢橫卧柳猿飲倒垂藤
水曲巖千疊雲重樹百層
山風寒殿磬溪雨夜船燈
灘漲

危槎沒泉衝怪石崩中臺一襟淚歲杪別良朋

密樹分蒼壁長溪抱碧岑海風聞鶴遠潭日見魚深松

蓋環清韻榕根架綠陰

南方大葉榕樹枝危者
輒生根垂入地如柱大

洞丁多

斲石蠻女半淘金

端州斲石塗涯
縣淘金為業

南浦驚春至西樓送

月沈江流不過嶺何處寄歸心

月在行人起千峯復萬峯海虛爭翡翠溪邏闌芙蓉

南方

呼市為虛呼戎為邏新
州有翡翠虛芙蓉邏也

古木高生斛陰池滿種松

木斛
花生

于他樹槎枿池治
多松謂之水松也

火探深洞燕香送遠潭龍

南方持火
于乳洞中

取燕而食康州悅城縣有媪龍即蛇也隨水
往舟船至人家或千里外皆以香果酒送之
藍塢寒先

燒禾堂晚併春

種藍多有塢先燒其地人
以木槽舂禾謂之舂堂

更投何處宿

西峽隔雲鐘

奉賀盧大夫新立假山

巖谷留心賞為山極自然孤峯空迸筍攢萼旋開蓮黛
色朱樓下雲形繡戶前砌塵凝積靄簷溜掛飛泉樹暗
壺中月花香洞裏天何如謝康樂海嶠獨題篇

冬日宣城開元寺贈元孚上人

一鉢事南宗僧儀稱病容曹溪花裏別蕭寺竹前逢燭
影深寒殿經聲徹曙鐘欲齋簷下鴿初定壁吟蛩詩繼
休遺韻書傳永逸蹤藝多人譽洽緣絕道情濃汲澗瓶
沈淖眠階錫挂松雲鳴新放鶴池卧舊降龍露茗山厨
焙霜秔野碓舂梵文明處譯禪衲暖時縫層塔題應遍
飛軒步不慵繡梁交薜荔畫井倒芙蓉翠戶垂旗網朱
牕列劒鋒寒風金磬遠晴雪玉樓重妙理三乘達清才
萬象供山高橫睥睨灘淺聚鰲舫微靄蒼平楚殘暉淡

遠峯林疎霜槭槭波靜月溶溶
劍出因雷煥琴全遇蔡邕
西方如有社支許合相從

贈蕭鍊師

鍊師貞元初自梨園選為內伎善舞柘枝宮中
莫有倫比者寵錫甚厚及駕幸奉天以病不獲
隨輦遂失所止洎復宮闕上頗懷其藝求之浹
旬得于人間後聞神仙之事謂長生可致乞奉
黃老上許之詔居嵩南洞青觀迄今八十餘矣

雪膚花顏與昔無異則知龜鶴之壽安得不由
所尚哉因賦是詩題于院壁

曾試昭陽曲瑤階帝自臨紅珠絡繡帽翠鈿束羅襟雙
闕朝塵起千門宿霧陰出宮迷國步回駕軫皇心桂殿
春空晚椒房夜自深急宣求故劍冥契得遺簪暗記神
仙傳潛封女史箴壺中知日永掌上畏年侵莫比班家
扇寧同卓氏琴雲車辭鳳輦羽帔別鴛衾網斷魚遊藻
籠間鶴戲林洛烟浮碧漢嵩月上丹岑露草爭三秀風

篁共八音吹笙延鶴舞敲磬引龍吟旄節纖罽舉霞杯
皓腕斟還磨照寶鏡猶插辟寒金東海人情變南山聖
壽嶽朱顏常似渥綠髮已加尋養氣齊生死留形盡古
今更來應不見雞犬日駸駸

村舍

自剪青莎織雨衣南村煙火是柴扉萊妻早報蒸藜熟
童子遙迎種豆歸魚下碧潭當鏡躍鳥還青嶂拂屏飛
花時未免人來往欲買嚴光舊釣磯

尚平多累自歸難一日身閒一日安山逕有雲收獵網
水門無月掛魚竿花間酒氣春風遠竹裏碁聲夜雨寒
三頃水田秋更熟北窓誰拂舊塵冠

卧病

寒窻燈盡月斜暉珮馬朝天獨掩扉清露已凋秦塞柳
白雲空長越山薇病中送客難為別夢裏還家不當歸
惟有寄書書未得卧聞燕雁向南飛

潁州從事西湖亭讌餞

西湖清讌不知回一曲離歌酒一杯城帶夕陽聞鼓角
寺臨秋水見樓臺蘭堂客散蟬猶噪桂檝人稀鳥自來
獨想征帆去鞏洛此中霜菊正花開

韶州驛樓宴罷

簷外千帆背夕陽歸心杳杳鬢蒼蒼嶺猿羣宿夜山靜
沙鳥獨飛秋水涼露隔桂花碁局濕風吹荷葉酒瓶香
主人不醉下樓去月在南軒更漏長

晚自東郭回留一二遊侶

鄉心迢遞宦情微
吏散尋幽竟落暉
林下草腥巢鷺宿
洞前雲濕雨龍歸
鐘隨野艇回孤棹
鼓絕山城掩半扉
今夜西齋好風月
一瓢春酒莫相違

姑熟官舍

草生官舍似閒居
雪照南窻滿素書
貧後始知為吏拙
病來還喜識人疎
青雲豈有窺梁燕
濁水應無避釣魚
不待秋風便歸去
紫陽山下是吾廬

南海府罷南康阻淺行侶稍稍登陸主人燕餞至

頌暮宿東溪

暗灘水落漲虛沙灘去秦吳萬里賒
馬上折殘江北柳舟中開盡嶺南花
離歌不斷如留客歸夢初驚似到家
山鳥一聲人未起半牀春月在天涯

夜歸驛樓

水晚雲秋山不窮自疑身在畫屏中
孤舟移棹一江月高閣捲簾千樹風
窻下覆碁殘局在橋邊沽酒半壺空
早炊香稻待鱸膾南渚未明尋釣翁

早發天台中巖寺度關嶺次天姥岑

來往天台天姥間欲求真訣駐衰顏
星河半落巖前寺雲霧初開嶺上關
丹壑樹多風浩浩碧溪苔淺水潺潺
可知劉阮逢人處行盡深山又是山

自楞伽寺晨起泛舟道中有懷

碧樹蒼蒼茂苑東佳期迢遞路何窮
一聲山鳥曙雲外萬點水螢秋
草中門掩竹齋微有月棹移蘭渚淡無風
欲知此路堪惆悵菱葉蓼花連故宮

滄浪峽

纓帶流塵髮半霜獨尋殘月下滄浪一聲溪鳥暗雲散
萬片野花流水香昔日未知方外樂暮年初信夢中忙
紅蝦青鯽紫芹脆歸去不辭來路長

鶴林寺中秋夜翫月

待月東林月正圓廣庭無樹草無煙中秋雲盡出滄海
半夜露寒當碧天輪彩漸移金殿外鏡光猶掛玉樓前
莫辭遠曙殷勤望一隋西巖又隔年

朝臺送客有懷

趙佗西拜已登壇馬援南征土宇寬
越國舊無唐印綬蠻鄉今有漢衣冠
江雲帶日秋偏熱海雨隨風夏亦寒
嶺北歸人莫回首蓼花楓葉萬重灘

題崔處士山居

坐窮今古掩書堂二頃湖田一半荒
荆樹有花兄弟樂橘林無實子孫忙
龍歸曉洞雲猶濕麝過春山草自香
向夜欲歸心萬里故園松月更蒼蒼

錢塘青山李隱居西齋

小隱西亭為客開，翠蘿深處遍蒼苔。
林間掃石安碁局，巖下分泉遞酒杯。
蘭葉露光秋月上，蘆花風起夜潮來。
雲山遠屋猶嫌淺，欲棹漁舟近釣臺。

晚自朝臺至韋隱居郊園

秋來鳧雁下方塘，繫馬朝臺步夕陽。
村徑繞山松葉暗，柴門臨水稻花香。
雲連海氣琴書潤，風帶潮聲枕簟涼。
西下磻溪猶萬里，可能垂白待文王。

再遊姑蘇玉芝觀

高梧一葉下秋初
迢遞重廊舊寄居
月過碧窻今夜酒
雨昏紅壁去年書
玉池露冷芙蓉淺
瓊樹風高薜荔疎
從此扁舟更東去
仙翁應笑為鱸魚

元處士自洛歸宛陵山居見示詹事相公餞行之

什因贈

紫霄峯下絕韋編
舊隱相如結襪前
月落尚留東閣醉
風高還憶北窻眠
江城夜別瀟瀟雨
山檻晴歸漠漠煙

一頃豆花三頃竹想應拋却釣魚船

病間寄郡中文士

盧橘含花處處香老人依舊卧清漳
心同客舍驚秋早跡似僧齋厭夜長
風捲翠簾琴自響露凝朱閣簾先涼
明朝欲醉文中彥猶覺吟聲帶越鄉

京口間居寄兩都親友

吳門煙月昔同遊楓葉蘆花並客舟
聚散有期雲北去浮沈無計水東流
一樽酒盡青山暮千里書回碧樹秋

何處相思不相見鳳城宮闕楚江樓

晨起白雲樓寄龍興江準上人兼呈竇秀才

茲樓今是望鄉臺鄉信全稀曉雁哀山翠萬重當檻出
水光千里抱城來東巖月在僧初定南浦花殘客未回
欲弔靈均能去否秋風還有木蘭開

寄房千里博士

春風白馬紫絲韁正值蠶眠未採桑五夜有心隨暮雨
百年無節待秋霜重尋繡帶朱藤合更認羅裙碧草長

為報西游減離恨阮郎纔去嫁劉郎

雲溪友議云千里初上第遊嶺徼有

進士韋滂者自南海邀趙氏來為房妾房赴京調選與趙別約中秋為期趙極悵戀房至襄州逢渾赴弘農公番禺之命乃以情意相託許諾焉比到府邸遣人訪之則趙已却從韋矣因寄房詩云云房聞之幾有歐陽四門簷太原之慘渾集所載稍異首二句云隋蛾蟬翠倚柔桑遙謝春風白面郎結句云何處野花何處水下峯流出一渠香題云途經敷水不云寄房想為房諱之故改句并改題耳又才調集載此詩題云客有新豐館題怨別之詞因詰傳史盡得其實

偶作四韻朝之或亦渾所改題也

別表兄軍倅

余祇命南海至廬陵逢表兄軍倅奉使淮海別

後却寄是詩

盧橘花香拂釣磯，佳人猶舞越羅衣。
三洲水淺魚來少，五嶺山高雁到稀。
客路晚依紅樹宿，鄉關朝望白雲歸。
交親不念征南吏，一夜風帆去似飛。

與韓鄭二秀才同舟東下洛中親友送至景雲寺
三十六峯橫一川，綠波無路草芊芊。
牛羊晚食鋪平地，鷓鴣晴飛摩遠天。
洛客盡回臨水寺，楚人皆逐下江船。
東西未有相逢日，更把繁花共醉眠。

凌歌臺送韋秀才

雲起高臺日未沈
數村殘照半巖陰
野蠶成繭桑柘盡
溪鳥引雛蒲稗深
帆勢依依投極浦
鐘聲杳杳隔前林
故山迢遞故人去
一夜月明千里心

送郭秀才遊天台

余嘗與郭秀才同翫朱審畫天台山圖
秀才因遊是山題詩贈別

雲埋陰壑雪凝峯
半壁天台已萬重
人度碧溪疑輟棹

僧歸蒼嶺似聞鐘暖眠鷓鷯晴灘草高掛獼猴暮澗松
曾約共遊今獨去赤城西面水溶溶

送杜秀才往桂林

桂州南去與誰同處處山連水自通兩岸曉烟千里草
半帆斜日一江風瘴雨欲來楓樹黑火雲初起荔枝紅
愁君路遠銷年月莫滯三湘五嶺中

送蕭處士歸緱嶺別業

醉斜烏帽髮如絲曾看仙人一局碁賓館有魚為客久

鄉書無雁到家遲
緱山住近吹笙廟
湘水行逢鼓瑟祠
今夜月明何處宿
九疑雲盡碧參差

送張尊師歸洞庭

能琴道士洞庭西
風滿歸帆路不迷
對岸水花霜後淺
傍簷山果雨來低
杉松近晚移茶壑
巖谷初寒蓋藥畦
他日相思兩行字
無人知處武陵溪

咸陽城東樓

一上高城萬里愁
蒹葭楊柳似汀洲
溪雲初起日沈閣

山雨欲來風滿樓，鳥下綠蕪秦苑夕。
蟬鳴黃葉漢宮秋，行人莫問當年事。
故國東來渭水流。

登故洛陽城

禾黍離離半野蒿，昔人城此豈知勞。
水聲東去市朝變，山勢北來宮殿高。
鴉噪暮雲歸古堞，雁迷寒雨下空壕。
可憐緱嶺登仙子，獨自吹笙醉碧桃。

金陵懷古

玉樹歌殘王氣終，景陽兵合戍樓空。
松楸遠近千官塚。

禾黍高低六代宮石燕拂雲晴亦雨江豚吹浪夜還風
英雄一去豪華盡惟有青山似洛中

凌歊臺

宋祖凌歊樂未回三千歌舞宿層臺相潭雲盡暮山出
巴蜀雪消春水來行殿有基荒薺合寢園無主野棠開
百年便作萬年計岳畔古碑空綠苔

凌歊臺在今當塗黃山直踞大江上

西望江流天門中豁真有從巴蜀高擁而來之勢稍東
直瞰牛渚磯潭水深黑不測潭上諸山環峙薄暮嵐消
山見則暮山雲盡而出尤對岸真景俗本作相潭字蓋
江潭之誤也宋祖亦非高祖裕宋二武皆稱祖地志稱

世祖孝武登此臺置離宮本紀亦載其幸南豫州者再
校獵姑孰者一是嘗嗤高祖裕為田舍翁者三千歌舞
固宜有之百年便作萬年計又似約畧孝武後人借南
苑三百年癡想桑入之以盡宋事要使寬展耳諸家駁
此多未當
特著之

驪山

聞說先皇醉碧桃日華浮動鬱金袍風隨玉輦笙歌迴
雲捲珠簾劍佩高鳳輦北歸山寂寂龍旗西幸水滔滔
蛾眉沒後巡遊少瓦落宮牆見野蒿

四皓廟

桂香松暖廟門開，獨瀉椒漿奠一杯。
秦法未興鴻已去，漢儲將廢鳳還來。
紫芝翳翳多青草，白日蒼蒼半綠苔。
山下驛塵南竄路，不知冠蓋幾人回。

題衛將軍廟

將軍名逝陽羨人，少習詩書學弓劍。
有武略，二十七游并汾間，遇神堯皇帝。
始建義旗，逝以勇藝進，備行列，洎擒竇建德。
逝時挾鎗劍前突，後翼太宗顧而奇之。
天下既定，錄其功，拜將軍宿

衛以母老病且乞歸侍殘年辭旨哀激詔許之
既而以孝敬睦閨門以然信居鄉里及卒邑人
懷其賢廟于荆溪之湄以平生弓甲懸東西廡
下歲時祠祭頗福其土焉文士王教撰碑辭實
詳備惜乎國史闕書其人因題是詩于廟壁

武牢關下護龍旗挾槊彎弓馬上飛漢業未興王霸在
秦軍纔散魯連歸墳穿大澤埋金劍廟枕長溪挂鐵衣
欲奠忠魂何處問葦花楓葉雨霏霏

塞下

夜戰桑乾北秦兵半不歸朝來有鄉信猶自寄征衣

長安早春懷江南

雲月有歸處故山清洛南秦城一花發春夢遍江潭

秦樓曲

秦女夢餘仙路遙月窻風簾夜迢迢伴郎翠鳳雙飛去

三十六宮聞玉簫

秋思

琪樹西風枕簟秋
楚雲湘水憶同遊
高歌一曲掩明鏡
昨日少年今白頭

學仙

心期仙訣意無窮
彩畫雲車起壽宮
聞有三山未知處
茂陵松柏滿西風

宿咸宜觀

羽袖飄飄香夜風
翠幢歸殿玉壇中
步虛聲盡天未曉
雲壓桃花月滿空

遊楞伽寺

碧煙秋寺泛湖來，水浸城根古堞摧。
盡日傷心人不見，石楠花發舊歌臺。

守風淮陰

遙見江陰夜漁客，因思京口釣魚時。
一潭明月萬株柳，自去自來人不知。

客有卜居不遂薄遊沂隴因題

海燕西飛向日斜，天門遙望五侯家。
樓臺深鎖無人到，

落盡東風第一花

寄桐江隱者

潮去潮來洲渚春
山花如繡草如茵
嚴陵臺下桐江水
解釣鱸魚能幾人

重別曾主簿

淚沿紅粉濕羅巾
重繫蘭舟勸酒頻
留却一枝河畔柳
明朝猶有遠行人

送楊發東歸

紅花半落燕于飛同客長安今獨歸一紙鄉書報兄弟
還家羞着別時衣

送宗處士歸山

賣藥修琴歸去遲山風吹老桂花枝世間甲子須臾事
逢着仙人莫看棋

謝亭送別

勞歌一曲解行舟紅葉青山水急流日暮酒醒人已遠
滿天風雨下西樓

緱山廟

王子求仙月滿臺
玉笙清轉鶴徘徊
曲終飛去不知處
山下碧桃春自開

喻鳧

鳧毗陵人體賈島為詩嘗以其業謁杜紫微不遇
曰吾詩無羅綺鉛粉宜其不售也後登開成五年
進士第終烏程令

近體詩

夏日因懷陽羨舊遊寄斐書記

落日太湖西波涵萬象低藕花薰浦溆菱蔓匿鷺樹
及長橋盡難迴七里迷還因坐籌暇時一夢荆溪

憶友人

銀地無塵金菊開紫梨紅棗隨莓苔一泓秋水一輪月
今夜故人來不來

御定全唐詩錄卷八十

欽定四庫全書

集部
御定全唐詩錄卷八十一

詳校官左中允_臣璿五珠

主事銜_臣徐以坤覆勘

總校官原任中允_臣王燕緒

校對官中書_臣田尹衡

謄錄監生_臣俞鳳

欽定四庫全書

御定全唐詩錄卷八十一

雍陶

陶字國鈞成都人太和八年第進士大中間自國子毛詩博士出為簡州刺史

雲溪友議陶為簡牧自比謝宣城柳吳興賓至則挫辱投贄者少得見之有馮道明者請謁給閤者曰與太守故舊及見呵責曰與公昧平生何故舊

之有道明曰誦公詩於集中曰得相見何隔平生
遂吟雍詩云江聲秋入峽雨氣夜侵樓立當青草
人先見行傍白蓮魚未知閉門客到常疑病滿院
花開不似貧雍聞吟欣狎遂如曩昔之交

古體詩

明月照高樓

明月何高高樓中簾影寒一婦獨含歎四坐誰成歡時
節屢已移遊旅杳不還滄溟儻未涸妾淚終不乾君若

無定雲妄若不動山雲行出山易山逐雲去難願為邊
塞塵因風委君顏君顏良洗多盪妄濁水間

近體詩

塞上宿野寺

塞上蕃僧老天寒疾上關遠烟平似水高樹暗如山去
馬朝常急行人夜始閒更深聽刁斗時到磬聲間

同賈島宿無可上人院

何處銷愁宿攜囊就遠僧中宵吟有雪空屋語無燈靜

境唯聞鐸寒牀但枕肱還因愛閒客始得見南能

和劉補闕秋園寓興

水木夕陰冷池塘秋意多庭風吹故葉階露淨寒莎愁
燕窺燈語情人見月過砧聲聽已別蟲響音復相和

閉門無事後此地即山中但覺鳥聲異不知人境同晚
花開為雨殘果落因風獨坐還吟酌詩成酒已空

自得家林趣常時在外稀對僧餐野食迎客著山衣雀
闌翻簷散蟬驚出樹飛功成他日後何必五湖歸

秋色庭蕪上清朝見露華疎篔抽晚筍幽藥吐寒芽引
水新渠淨登臺小徑斜人來多愛此蕭爽似仙家

聖代少封事閒居方屏喧漏寒雲外闕木落月中園山
鳥宿簷樹水螢流洞門無人見清景林下自開樽

禁掖朝迴後林園勝賞時野人來辨藥庭鶴往看碁晚
日明丹棗朝霜潤紫梨還因重風景猶自有秋詩

贈金河戍客

慣獵金河路曾逢雪不迷射雕青塚北走馬黑山西戍

遠旌幡少年深帳幕低酬息須盡敵休說夢中閨

塞路晚晴

晚虹斜日塞天昏一半山川帶雨痕新水亂侵青草路
殘烟猶傍綠楊村邊人羊馬休南牧大將旌旗在北門
行子喜聞無戰伐閒看遊騎獵秋原

河陰新城

高城新築壓長川虎踞龍蟠氣色全五里似雲根不動
一重如月暈長圓河流暗與溝池合山色遙將睥睨連

自有此來當汴口武牢何用鎖風煙

送徐山人歸睦州舊隱

君在桐廬何處住草堂應與戴家鄰
初歸山犬翻驚主久別江鷗却避人
終日欲為相逐計臨歧空羨獨行身
秋風釣艇遙相憶七里灘西片月新

經杜甫舊宅

浣花溪裏花多處為憶先生在蜀時
萬古只應留舊宅千金無復換新詩
沙崩水檻鷗飛盡樹壓村橋馬過遲

山月不知人事變夜來江上與誰期

詠雙白鷺

雙鷺應憐水滿池風飄不動頂絲垂立當青草人先見
行傍白蓮魚未知一足獨拳寒雨裏數聲相叫早秋時
林塘得爾須增價况是詩家物色宜

公子行

公子風流嫌錦繡新裁白紵作春衣金鞭留當誰家酒
拂柳穿花信馬歸

送春

勿言春盡春還至少壯看花復幾回今日已從愁裏去
明年更莫共愁來

天津橋望春

津橋春水浸紅霞煙柳風絲拂岸斜翠輦不來金殿閉
宮鶯銜出上陽花

過南鄰花園

莫怪頻過有酒家多情長是惜年華春風堪賞還堪恨

纔見開花又落花

城西訪友人別墅

澧水橋西小路斜
日高猶未到君家村
園門巷都相似
處處春風枳殼花

訪友人幽居

落花門外春將盡
飛絮庭前日欲高
深院客來人未起
黃鸝枝上啄櫻桃

莎深苔滑地無塵
竹冷花遲刺駐春
盡日弄琴誰共聽

與君兼鶴是三人

題君山

風波不動影沈沈
翠色全微碧石色深
疑是水仙梳洗處
一螺青黛鏡中心

和孫明府懷舊山

五柳先生本在山
偶然為客落人間
秋來見月多歸思
自起開籠放白鷗

馬戴

戴字虞臣會昌四年進士第與姚少監合相善大
中初太原李司空辟掌書記以正言斥為龍陽尉
咸通末佐大同幕終太學博士

紀事云許崇久困名場咸通末戴佐大同軍幕崇
往謁之一見如舊識留連數月詩酒而已未嘗問
所欲一旦大會賓友命使者以崇家書授之崇驚
愕莫知其來啟緘即知戴潛遣一介恤其家矣

近體詩

春思

初日照楊柳玉樓含翠陰啼春獨鳥思望遠佳人心幽
怨貯瑤瑟韶光凝碧林所思曾不見芳草意空深

夕次淮口

天涯孤光盡木末羣鳥還夜久遊子息月明岐路聞風
生淮水上帆落楚雲間此意竟誰見行行非故關

落日悵望

孤雲與歸鳥千里片時間念我一何滯辭家久未還微

陽下喬木遠色隱秋山臨水不敢照恐驚平昔顏

秋郊夕望

度鳥向樓急陰蟲逢夜多餘霞媚秋漢迴月濯滄波蔓
草將萎絕流年其奈何耿耿搖落思獨酌不成歌

山行偶作

緣危路忽窮投宿值樵翁鳥下山含暝蟬鳴露滴空石
門斜月入雲竇暗泉通寂寞生幽思心疑舊隱同

早發故園

語別在中夜登車離故鄉曙鐘寒出岳殘月迴凝霜風
柳條多折沙雲氣盡黃行逢海西雁零落不成行

灞上秋居

灞原風雨定晚見雁行頻落葉他鄉樹寒燈獨夜人空
園白露滴孤壁野僧鄰寄卧郊扉久何門致此身

楚江懷古

露氣寒光集微陽下楚丘猿啼洞庭樹人在木蘭舟廣
澤生明月蒼山夾亂流雲中君不見竟夕自悲秋

沂上款舊友

斗酒故人同長歌起北風斜陽高壘閉秋角暮山空雁
宿寒流上螢飛淡霧中坐來憂白髮况復久從戎

宿崔邵池陽別墅

楊柳色已改郊原日復低煙生寒渚上霞散亂山西待
月人相對驚風雁不齊此心君莫問舊國去將迷

過野叟居

野人間種樹樹老野人前居止白雲內漁樵滄海邊呼

兒探山藥放犢飲溪泉
自著養生論無煩憂暮年

宿翠微寺

處處松陰滿樵開一徑通
鳥歸霜磬盡僧語石樓空
積翠含微月遙泉韻細風
經行心不厭憶在故山中

宿無可上人房

稀逢息心侶細話故山期
河漢秋生夜杉梧露滴時
風傳林磬久月掩草堂遲
坐卧禪心在浮生皆不知

題鏡湖野老所居

湖裏尋君去樵風往返吹樹喧巢鳥出路細封田杉漚
苧成魚網枯根是酒卮老年唯自適生事任羣兒

寄西岳白石僧

挂錫中峯上經行踏石梯雲房出定後嶽月在池西峭
壁殘霞照欹松積雪齊年年着山屐曾得到招提

寄終南真空禪師

閒想白雲外了然清淨僧松門山半寺雨夜佛前燈此
境可長往浮生自不能一從林下別瀑布幾成冰

江亭贈別

長亭晚送君秋色度江清
衰柳風難定寒濤雪不分
猿聲離楚峽帆影入湘雲
獨泛扁舟夜山鐘可卧聞

贈別空公

雲門秋却入微徑久無人
後夜中峯月空林百衲身
寂寥寒磬盡盪漉瀑泉新
履跡誰相見松風掃石塵

送人遊蜀

別離楊柳陌迢遞蜀門行
若聽清猿後應多白髮生
虹

蝨侵棧道風雨雜江聲過盡愁人處煙花是錦城

送客南遊

擬卜何山隱高秋指岳陽葦乾雲夢色橘熟洞庭香疎
雨殘虹影回雲背雁行靈均如可問一為哭清湘

送僧歸金山寺

金山江色裏蟬急向秋分迴寺橫洲島歸僧度水雲夕
陽依岸盡清磬隔潮聞遙想禪林下壚香對月焚

寄金州姚使君負外

老懷清淨化乞去守洵陽廢井人應滿空林虎自藏
送
泉疎石竇殘雨發椒香山缺通巴峽江流帶楚檣勸農
生野思禱廟結雲裝覆局松移影聽琴月隨光鳥鳴開
郡印僧去置禪牀罷貢金休鑿凌寒筍更長退公披鶴
氅高步隔鷓行相見朱門內麾幢拂曙霜

送李侍御福建從事

晉安來越國蔓草故宮迷釣渚龍應在琴臺鶴亂棲
泛
濤明月廣邊海衆山齊賓府通蘭棹蠻僧接石梯片雲

和瘴濕孤嶼映帆低上客多詩興秋猿足夜啼

送從叔重赴海南從事

又從連帥請還作嶺南行窮海何時到孤帆累月程
亂蟬吟暮色哀狹落秋聲晚路潮波起寒葭霧雨生
沙埋銅柱沒山簇瘴雲平念此別離苦其如宗從情

送顧少府之永康

婺女星邊去春生即有花寒關雲復雪古渡草連沙
宿次吳江晚行侵日微斜官傳梅福政縣故赤松家
燒起

明山翠潮迴動海霞清高宜閱此莫歎近天涯

題廬山寺

白茅為屋宇編荆數處階墀石疊成東谷笑言西谷應
下方雲雨上方晴鼠驚樵客綠蒼壁猿戲山頭撼紫檉
別有一條投澗水竹筒斜引入茶鑪

易水懷古

荆卿西去不復返易水東流無盡期落日蕭條薊城北
黃沙白草任風吹

薛逢

逢字陶臣河東人文詞俊拔會昌初擢進士第繇鎮幕歷侍御史尚書郎為人褊忿多忤初與劉瑑交每侮易之瑑知政事有薦逢知制誥者瑑以例抑之試巴州郡楊收王鐸亦皆同年收作相逢有詩微辭譏訕收銜之復斥逢綿二州收罷得還為太常少卿給事中及鐸登庸又以詩訾鐸鐸又怨之不為引用以秘書監終

古體詩

鄰相反行

東家有兒年十五只向田園獨辛苦夜開溝水遶稻田
曉叱耕牛墾墾土西家有兒纔弱齡儀容清峭雲鶴形
涉書獵史無早暮坐期朱紫如拾青東家西家兩相誚
西兒笑東東又笑西云養志與榮名彼此相非不相調
東家自云雖苦辛躬耕早暮及所親男舂女爨二十載
堂上未為衰老人朝機暮織還充體餘者到兄還及弟

春秋伏臘長在家不許妻奴暫違禮爾今二十方讀書
十年取第三十餘往來途路長離別幾人便得升公車
縱令得官身須老銜恤終天向誰道百年骨肉歸下泉
萬里枌榆長秋草我今躬耕奉所天耘鋤刈獲當少年
面上笑添今日喜肩頭薪續厨中烟縱使此身頭雪白
又見兒孫還稼穡家藏一卷古孝經世世相傳皆得力
為報西家知不知何須漫笑東家兒生前不得供甘滑
歿後揚名徒爾為

靈臺家兄古鏡歌

一尺圓潭深黑色篆文如絲人不識耕夫云住赫連城
赫連城下親耕得鏡上磨瑩一月餘日中漸見菱花舒
金膏洗拭銚溢盡黑雲吐出新蟾蜍人言此是千年物
百鬼聞之形暗慄玉匣曾經龍照來豈宜更鑿農夫質
有時霹靂半夜驚窓中飛電如海明盤龍鱗脹玉匣溢
牙爪觸風時有聲耕夫不解珍靈異翻懼赫連神作祟
十千賣與靈臺兄百丈靈湫坐中至溢匣水色如欲傾

兒童不敢窺泓澄寒光照人近不得坐愁雷電秋中生
吾兄吾兄須愛惜將來慎勿虛拋擲興雲致雨會有神
莫遣紅妝穢靈跡

近體詩

長安春日

窮途日日困泥沙上苑年年好物華荆棘不當車馬道
管絃長奏綺羅家王孫草上悠揚蝶少女風前爛漫花
嬾出任從遊子笑入門還是舊生涯

醉間聞甘州

老聽笙歌亦解愁
醉中因遣合甘州
行追赤嶺千山外
坐想黃河一曲流
日暮豈堪征婦怨
路傍能結旅人愁
左綿刺史心先死
淚滿朱絃催白頭

漢武宮詞

武帝清齋夜築壇
自斟明水醮仙宮
殿前童女移香案
庭際金人捧露盤
絳節有時還入夢
碧桃何處更驂鸞
茂陵煙雨埋冠劍
石馬無聲蔓草寒

宮詞

十二樓中盡曉妝，望仙樓上望君王。
鎖銜金獸連環冷，水滴銅龍畫漏長。
雲髻罷梳還對鏡，羅衣欲換更添香。
遙窺正殿簾開處，袍袴宮人掃御牀。

開元後樂

莫奏開元舊樂章，樂中高曲斷人腸。
邠王玉笛三更咽，虢國金車十里香。
一自烽煙生薊北，便從征戰老汾陽。
中原駿馬搜求盡，沙苑年來草又芳。

題昭華公主廢池館

曾發簫聲水檻前
夜蟾寒沼兩嬋娟
微波有恨終歸海
明月無情却上天
白鳥帶將簾外雪
綠蘋枯盡渚中蓮
榮華不向人間住
須讀莊生第一篇

潼關河亭

重岡如抱嶽如蹲
氣躡秦川勢自尊
天地併功開帝宅
山河相奏束龍門
櫓聲嘔軋中流渡
柳色微茫遠岸村
滿眼波濤終古事
年來惆悵與誰論

送靈州田尚書

陰風獵獵滿旗竿，白草颼颼劔氣攢。
九姓羌渾隨漢節，六州蕃落從戎鞍。
霜中入塞琯弓硬，月下翻營玉帳寒。
今日路傍誰不指，穰苴門戶慣登壇。

送衢州崔員外

笑分銅虎別京師，嶺下山川想到時。
紅樹暗藏殷浩宅，綠蘿深覆偃王祠。
風茅向暖抽書帶，露竹迎風舞釣絲。
休指巖西歸數日，知君已負白雲期。

送沈單作尉江都

煬帝都城春水邊
笙歌夜上木蘭船
三千宮女自塗地
十萬人家如洞天
焰焰花枝官舍晚
重重雲影寺牆連
少年作尉須矜慎
莫向樓前墜馬鞭

獵騎

兵印長封入衛稀
碧石空雲盡早霜
微澆川桑落鵝初下
渭曲禾收兔正肥
陌上管絃清似語
草頭弓馬疾如飛
豈知萬里黃金戍
血迸金瘡卧鐵衣

李遠

遠字承古蜀人太和五年進士歷忠建江三州刺史終御史中丞

幽閒鼓吹云宣宗朝令狐綯薦遠為杭州刺史宣宗曰我聞遠有詩云長日唯銷一局碁豈可以臨郡哉綯對曰詩人之言非有實也仍薦遠廉察可任乃俞之

近體詩

閒居

塵事久相棄沈浮皆不知牛羊歸古巷燕雀遠疎籬買
藥經年曬留僧盡日碁唯憂釣魚伴秋水隔波時

遊故王駙馬池亭

花樹杳玲瓏漁舟處處通醉銷羅綺艷香煖芰荷風野
鳥翻萍綠斜橋印水紅子猷簫管絕誰愛碧苔鮮濃

送人入蜀

蜀客本多愁今君是勝遊
碧藏雲外樹紅露驛邊樓
杜

卷八十一
魄呼名語已江學字流不知煙雨外何處夢刀州

聽話叢臺

有客新從趙地回自言曾上古叢臺雲遮襄國天邊去
樹繞漳河北地裏來絃管變成山鳥呀綺羅留作野花開
金輿玉輦無行跡風雨誰知長綠苔

贈友人

鳳城煙靄思偏多曾向劉郎住處過銀燭焰前貪勸酒
玉簫聲裏已聞歌佳人惜別看嘶馬公子貪情向翠娥

今日重來門巷改出牆桐樹綠婆娑

贈南嶽僧

曾住衡陽嶽寺邊門開江水與雲連
數州城郭藏寒寺一片風帆著遠天
猿去不離行道處客來皆到卧牀前
今朝惆悵紅塵裏唯憶閒塘盡日眠

黃陵廟詞

黃陵廟前莎草春黃陵女兒蒨裙新
輕舟小楫唱歌去水遠山長愁殺人

贈箏妓伍卿

輕輕歿後更無箏玉腕紅紗到伍卿坐客滿筵都不語
一行哀雁十三聲

劉得仁

得仁貴主之子善五言詩以清瑩稱自開成至大
中三朝昆弟皆歷貴仕而得仁獨應舉出入文場
三十年卒無成

晁公武讀書志曰得仁長慶中即以詩名歷舉進

士不第嘗自述云外族帝皇是中朝親故稀翻令
浮議者不許九霄飛既歿詩人競為詩弔之僧栖
白詩曰忍苦為詩身到此冰魂雪魄已難招直教
桂子落墳上生得一枝冤始銷

近體詩

宣義亭子

暮色遶高亭南山出竹清夜深斜舫月風定一池星島
嶼無人跡菰蒲有鶴翎此中休便得何必泛滄溟

樂遊原春望

樂遊原上望望盡帝城春始覺繁華地應無一醉人雲
開雙闕麗柳映九衢新愛此偏高野閒來竟日頻

遊崔監丞城南別業

門與青山近青山復幾重雪融皇子岸春潤翠微峰地
有經冬草林無未老松竹寒溪隔寺晴日直聞鐘

題王處士山居

茅堂入谷遠林暗絕無鄰終日有流水經年無到人溪

雲常欲雨山洞別開春自得仙家術栽松獨養真

冬日題邵公院

無事關多掩陰階竹拂苔勁風吹雪聚渴鳥啄冰開樹
向寒山得人從瀑布來終期天目老擊錫逐雲迴

寄春坊顧校書

寧因不得志寂寞本相宜冥目冥心生花開花落時數
畦蔬甲出半夢鳥聲移只恐龍樓曉歸山又更違

送友人下第歸覲

君此卜行日高堂應夢歸莫將和氏淚滴著老萊衣岳
雨連河細田禽出麥飛到家調膳後吟苦落蟾暉

聽歌

朱檻滿明月美人歌落梅忽驚塵起處疑有鳳飛來一
曲聽初徹幾年愁暫開東南正雲雨不得見陽臺

和段校書冬夕寄題廬山

名高身未到此恨蓄多時是夕吟因話他年去必隨當
時廬岳頂半入楚江湄幾處懸崖上千尋瀑布垂鑪峯

松浙漉溢浦棹參差日色連湖白鐘聲拂浪遲烟梯緣
薛荔岳寺步欹危地本饒靈草林曾出祖師石樓霞耀
壁猿樹鶴分枝細徑縈巖末高窻見海涯嵌空寒更極
寂寞夜尤思陰谷氷埋朮仙田雪覆芝亂泉禪客漱異
跡逸人知蘚室新開竈榼潭未了碁如何遂間放長得
任希夷空務漁樵事方無道路悲謝公臺尚在陶令柳
旋衰塵外難相許人間貴迹遺雖懷丹桂影不忘白雲
期仁者終攜手今朝預賦詩

悲老宮人

白髮宮娃不解悲，滿頭猶自插花枝。
曾緣玉貌君王寵，准擬人看似舊時。

御定全唐詩錄卷八十一

欽定四庫全書

御定全唐詩錄卷八十二

項斯

斯字子遷江東人始未為聞人因以卷謁楊敬之
楊苦愛之贈詩云幾度見詩詩盡好及觀標格過
於詩平生不解藏人善到處逢人說項斯未幾詩
達長安明年擢上第後終丹徒尉

始張水部籍為律格詩惟朱慶餘親授其旨沿流

而下有任蕃陳標章孝標司空圖咸及門焉寶厯
開成之際斯尤為水部所知故其詩格與之相類
鄭少師薰云項斯逢水部誰道不關情斯留別水
部詩云省中重拜別兼領故人書已念此行遠不
應相問疎子城西並宅御水北同渠要取春前到
乘閒候起居

近體詩

題令狐處士谿居

白髮已過半無心離此溪病嘗山藥偏貧起草堂低為
月窓從破因詩壁重泥近來常夜坐寂寞與僧齋

寧州春思

失意離城早邊城任見花初為斷酒客舊識賣書家寒
寺稀無雪春風亦有沙思歸頻入夢即路不言賒

蠻家

領得賣珠錢還歸銅柱邊看兒調小象打鼓試新船醉
後眠神樹耕時語瘴煙不逢寒便老相問莫知年

早春題湖上顧氏新居

近得雲中路門長侵早開到時猶有雪行處已無苔
勸酒客初醉留茶僧未來每逢晴暖日唯見乞花栽

門不當官道行人到亦稀故從餐後出多是夜深歸
開篋收書卷掃牀移卧衣幾時同買宅相近有柴扉

宿胡氏溪亭

獨住水聲裏有亭無熱時客來因月宿牀勢向山移
鶴睡松枝定螢歸葛葉垂寂寥猶欠伴誰為報僧知

送華陰隱者

往往到城市得非徵藥錢
世人空識面弟子莫知年
自說能醫死相期更學仙
近來移住處毛女舊峯前

落第後寄江南親友

古巷槐陰合愁多晝掩扉
獨存過江馬強拂看花衣
送客心先醉尋僧夜不歸
龍鍾易惆悵莫遣寄書稀

小古鏡

字已無人識唯應記鑄年
見來深似水攜去重于錢
鸞

翅巢空月菱花徧小天宮中照黃帝曾得化為仙

邊游

古鎮門前去長安路在東天寒明堠火日晚裂旗風塞
館皆無簟儒裘亦有弓防秋故鄉卒暫喜語音同

夜泊淮陰

夜入楚州煙煙中人未眠望來淮岸盡坐到酒樓前燈
影半臨水箏聲多在船乘流向東去別此易經年

贈金州姚合使君

為郎名更重，領郡是蹉跎。
官壁題詩盡，衙庭看鶴多。
城池連草澗，籬落帶椒坡。
未覺旗旛貴，間行觸處過。

送殷中丞遊邊

話別無長夜，燈前聞曙鴉。
已行難避雪，何處合逢花。
隴寺門多閉，羌樓酒不賒。
還須見邊將，誰擬靜塵沙。

泛谿

谿船泛渺瀰，漸覺減炎輝。
動水花連影，逢人鳥背飛。
深猶見白石涼，好換生衣未。
得多詩句終，須隔宿歸。

送顧少府

作尉年猶少無辭去路賒
漁舟縣前泊山吏日高衙
幽景臨谿寺秋蟬織杼家
行程須過越先醉鏡湖花

華頂道者

仙人掌中住生有上天期
已廢燒丹處猶多種杏時
養龍于淺水寄鶴在高枝
得道復無事相逢盡日碁

遊爛柯山

步步出塵氛溪山別是春
壇邊時過鶴碁處寂無人
訪

古碑多缺探幽路不真
翻疑歸去晚清世累衫晨

李處士道院南樓

霜晚復秋殘樓明近遠山
滿壺邀我醉一榻為僧間樹
簇孤汀眇帆欹積浪間
從容更南望殊欲外人寰

龍州與韓將軍夜會

庭綠草纖纖邊州白露沾
別歌緣劍起客淚是愁添
見月鵲啼樹避風雲滿簾
將軍盡樽酒樓上賦星占

送友人下第歸襄陽

失意已春殘歸愁與別難山分關路細江遶夜城寒草
色連晴坂鬣聲雜曉灘差池是秋賦何以暫懷安

和李中丞醉中期王徵君月夜同遊澹水舊居

醉後情俱遠難忘素澹間照花深處月當戶舊時山事
想同清話歡期一破顏風流還愛竹此夜尚思間

憶朝陽峯前居

每憶閒眠處朝陽最上峯溪僧來自遠林路出無蹤敗
褐粘苔遍新題出石重霞光侵曙發嵐翠近秋濃健美

機能破安危道不逢雪殘雲到閣庭午鶴離松此地虛
為別人間久未容何時無一事却去養疎慵

宿山寺

栗葉重重覆翠微黃昏溪上語人稀月明古寺客初到
風度閒門僧未歸山果經霜多自落水螢穿竹不停飛
中宵能得幾時睡又被鐘聲催着衣

古扇

昨日裁成奪夏威忽逢秋節便相違寒塵妬盡秦王女

涼殿恩隨漢主妃似月舊臨紅粉面有風休動麝香衣
千年蕭瑟關人事莫話當時掩淚歸

舊宮人

自出先皇玉殿中衣裳不更染深紅宮釵折盡垂空鬢
內扇搖多減半風桃熟亦曾君手賜酒闌猶候妾歌終
如今還向城邊住御水東流意不通

送宮人入道

願隨仙女董雙成王母前頭作伴行初帶玉冠多悞拜

欲辭金殿別稱名將敲碧落新齋磬却進昭陽舊賜箏
日暮焚香繞壇上步虛猶作按歌聲

長安退將

塞外衝沙損眼明歸來養病住秦京上高樓閣看星坐
着白衣裳把劍行常說老身思鬪將最悲無力制番營
翠眉紅臉和回鶻惆悵中原不用兵

遙裝夜

卷席貧拋壁下牀且鋪他處對燈光欲行千里從今夜

猶惜殘春發故鄉
蚊蚋已生團扇急
衣裳未了剪刀忙
誰知更有芙蓉浦
南去令人愁思長

山行

青樾林深亦有人
一渠流水數家分
山當日午回峯影
草帶泥痕過鹿羣
蒸茗氣從茅舍出
縹絲聲隔竹籬聞
行逢賣藥歸來客
不惜相隨入島雲

江村夜泊

日落江路黑
前村人語稀
幾家深樹裏
一火夜漁歸

趙嘏

嘏字承祜山陽人為詩瞻美多興味杜紫微愛其
早秋長笛一聲人倚樓句吟嘆不已人因目為趙
倚樓會昌三年第進士宰相李回嘗舉薦之大中
間授渭南尉卒時以其詩有早晚粗酌身事了水
邊歸去一間人為終渭南兆云

古體詩

汾上宴別

雲物如故鄉山川知異路年來未歸客馬上春欲暮一樽花下酒殘日水西樹不待管絃終搖鞭背花去

近體詩

越中寺居

遲客疎林下斜溪小艇通野橋連寺月高竹半樓風水靜魚吹浪枝間鳥下空數峯相向綠日夕郡城東

江邊

終日勞車馬江邊歎竹扉殘花春浪濶小酒故人稀戍

鼓客帆遠津雲夕照微何由兄與弟俱及暮潮歸

曉發

旅行宜早發況復是南歸月影緣山盡鐘聲隔浦微殘
星螢共映落葉鳥驚飛去去渡南渚村深人出稀

東歸道中

未明喚僮僕江上憶殘春風雨落花夜山川驅馬人星
星一鏡髮草草百年身此日念前事滄洲情更親

旅次商山

金剛經卷之三
卷八十二
役役依山水何曾似問津斷崖如避馬芳樹欲留人日
夕猿鳥伴古今京洛塵一枝甘已失辜負故園春

虎丘寺贈漁處士

蘭若雲深處前年客重過巖空秋色動水濶夕陽多早
負江湖志今如鬢髮何唯思閒勝我釣艇在煙波

贈金剛三藏

心法云無住流沙歸復來錫隨山鳥動經附海船回洗
足柳遮寺坐禪花委苔唯將一童子又欲過天台

洛中逢盧郢石歸覲

不堪俱失意相送出東周緣切倚門戀倍添為客愁春
山和雪靜寒水帶冰流別後期君處靈原紫閣秋

送權先輩歸覲信安

衣綵獨歸去一枝開更香馬嘶芳草渡門掩百花塘野
色亭臺晚灘聲枕簟涼小齋松島上重拂讀書牀

自遣

晚樹疎蟬起別愁遠人回首憶滄洲江連故國無窮恨

日帶殘雲一片秋久客轉諳時態薄多情只共酒淹留
到頭生長煙霞者須向煙霞老始休

寒食遣懷

折柳城邊起暮愁可憐春色獨懷羞傷心正歎人間事
回首更慚江上鷗鷓鴣聲中寒食酒芙蓉花外夕陽樓
憑高滿眼送清渭去傍故山山下流

長安秋夕

雲物淒清拂曙流漢家宮闕動高秋殘星幾點雁橫塞

長笛一聲人倚樓
紫艷半開籬菊靜
紅衣落盡渚蓮愁
鱸魚正美不歸去
空戴南冠學楚囚

東望

楚江橫在草堂前
楊柳洲邊載酒船
兩見梨花歸不得
每逢寒食一潸然
斜陽映閣山當寺
微綠含風樹滿川
同郡故人攀桂盡
把詩吟向泐寥天

長安月夜與友生話故山

宅邊秋水浸苔磯
日日持竿去不歸
楊柳風多潮未落

全唐詩卷八十二
卷八十二
兼葭霜在雁初飛
重嘶匹馬吟紅葉
却聽疎鐘憶翠微
今夜秦城滿樓月
故人相見一霑衣

憶山陽

家在枚皋舊宅邊
竹軒晴與楚波連
芰荷香暖垂鞭袖
楊柳風橫弄笛船
城礙十洲煙
島路寺臨千頃夕
陽川
可憐時節堪歸去
花落猿啼又一年

曲江春望懷江南故人

杜若洲邊人未歸
水寒煙暖想柴扉
故園何處風吹柳

一雁南來雪滿衣
目極思隨原草徧
浪高書到海門稀
此時愁望情多少
萬里春流遶釣磯

早發剡中石城寺

暫息勞生樹色間
平明塵事又相關
吟辭宿處煙霞古
心負秋來水石閒
竹戶半開鐘未絕
松枝靜霽鶴初還
明朝一倍堪惆悵
回首塵中見此山

泊蠓磯江館

風雪晴來歲欲除
孤舟晚下意何如
月當軒色湖平後

雁斷雲聲客起初
傍晚管絃何處靜
犯寒楊柳遠津疎
三間茅屋東溪上
歸去生涯竹與書

宿楚國寺有懷

風動衰荷寂寞香
斷煙殘月共蒼蒼
寒生晚寺波搖壁
紅隴疎林葉滿牀
起雁似鷺南浦棹
陰雲欲護北樓霜
江邊松菊荒應盡
八月長安夜正長

浙東陪元相公遊雲門寺

松下山前一逕通
燭迎千騎滿山紅
溪雲乍斂幽巖雨

曉氣初高大旆風小檻宴花容客醉上方看竹與僧同
歸來吹盡巖城角路轉高塘亂水東

宛陵寓居上沈大夫

滿耳歌謠滿眼山宛陵城郭翠微間人情已覺春長在
溪戶仍將水共閒曉色入樓紅靄靄夜聲尋砌碧潺潺
幽雲高鳥俱無事晚伴西峯醉客還

贈李從貴

白馬嘶風何處還鞭梢拂地看南山珠簾捲盡不回首

春色欲闌休閉關
花外鳥歸殘
雨暮竹邊人
語夕陽間
知君舊隱嵩
雲下巖桂從
今幾更攀

和令狐補闕春日獨遊西街

左掖初辭近侍班
馬嘶尋得過街間
映鞭柳色微遮水
隨步花枝欲礙山
暖泛鳥聲來席上
醉從詩句落人間
此時失意哀吟客
更覺風流不可攀

寄歸

三年踏盡化衣塵
只見長安不見春
馬過雪街天未曙

客迷關路淚空頻
桃花塢接啼猿寺
野竹亭通畫鷁津
早晚麤酬身事了
水邊歸去一閒人

寒食新豐別友人

一百五日家未歸
新豐雞犬獨依依
滿樓春色傷人醉
半夜雨聲前計非
繚繞溝塍含綠晚
荒涼樹石向川微
東風吹淚對花落
顛顛故交相見稀

送李裴評事

塞垣從事識兵機
只議平戎不擬歸
入夜笳聲含白髮

報秋榆葉落征衣城連戰壘黃雲晚馬渡寒沙夕照微
別後不應書斷絕滿天霜雪有鴻飛

送盧緘歸揚州

曾向雷塘靜掩扉荀家燈火有餘輝關河日暮望空極
楊柳渡頭人獨歸隋苑荒臺風裊裊灞陵殘夢雨依依
今年春色還相悞為我江邊謝釣磯

別麻氏

曉哭烏烏動四鄰於今我作負心人出門便作東西水

回首初驚枕席塵滿眼淚珠和語咽舊牕風月更誰親
傷離况值花時節從此東風不似春

題橫水驛雙峯院松

故園溪上雪中別野館門前雲畔逢白髮漸多何自苦
清陰長在好相容迎風幾拂朝天蓋帶月猶含度嶺鐘
更憶葛洪丹井側數株臨水欲成龍

長信宮

君恩已盡欲何歸猶有殘香在舞衣自恨身輕不如燕

春來長繞御簾飛

遣興

讀徹殘書弄水回
暮天何處笛聲哀
花前獨立無人會
依舊去年雙燕來

江樓感舊

獨上江樓思眇然
月光如水水連天
同來翫月人何在
風景依稀似去年

尋僧

谿戶無人谷鳥飛石橋橫木挂禪衣看雲日暮倚松立
野水亂鳴僧未歸

靈巖寺

館娃宮畔千年寺水濶雲多客到稀聞說春來倍惆悵
百花深處一僧歸

李侍御歸炭谷山居同宿華巖寺

家在青山近玉京白雲紅葉滿歸程相逢一宿最高寺
半夜翠微泉落聲

僧舍

谿上禪關水木間
水南山色與僧閑
春風盡日無來客
幽磬一聲高鳥還

宿僧舍

高僧夜滴芙蓉漏
遠客牕含楊柳風
何處相逢話心地
月明身在磬聲中

茅山道中

煙樹重重水亂流
馬嘶殘雨晚程秋
門前便是仙山路

目送歸鴻不得遊

今日過驪山

冷日微煙渭水愁翠華宮樹不勝秋霓裳一曲千門鎖
白盡梨園弟子頭

座上獻元相公

寂寞堂前日又曛陽臺去作不歸雲從來聞說沙吒利

今日青蛾屬使君

紀事云椒嘗家于浙西有美姬惑之洎計偕會中元鶴林之遊浙帥窺其

姬遂奄有之明年椒及第因以一絕箴之云云浙帥不自安遣歸之

經汾陽舊宅

門前不改舊山河
破敵曾輕馬伏波
今日獨經歌舞地
古槐疎冷夕陽多

東亭柳

拂水斜煙一萬條
幾隨春色倚河橋
不知別後誰攀折
猶自風流勝舞菁

薛能

能字太拙汾州人
會昌六年登進士第
大中末書

判中選補蓋屋尉辟太原陝虢河陽從事李福鎮
滑州表署觀察判官歷侍御史都官刑部員外郎
福徙西蜀奏以自副咸通中攝嘉州刺史歸朝遷
主客度支刑部郎中俄刺同州權京兆尹事出帥
感化入授工部尚書復節度徐州徙忠武廣明元
年徐軍成激水經許軍亂遇害能僻於詩日賦一
章資驚倨佻輕忤物於前人少所推許間稱賈長
江解詩李青蓮及劉白而下無取也

紀事云薛能從事蜀州日每短諸葛功業厚誣之
見於詩不一而足其一云流運有功終是擾陰符
多術得非姦又云陳圖誰許可廟貌我椰榆又云
焚却蜀書宜不讀武侯無可律吾身後鎮徐州上
元夜偶作云誰見將軍心似海四更親領萬人遊
自負如此

晁公武曰能晚節惑浮屠法奉之唯謹為藩鎮尤
易武吏嘗命其子屬縶韉雅拜新進士或問其故

曰與渠銷弭災咎云

近體詩

秋夜山中述事

初宵門未掩，獨坐對霜空。
極目故鄉月，滿溪寒草風。
樵聲當嶺上，僧語在雲中。
正恨歸期晚，蕭蕭聞塞鴻。

嘉陵驛

畫室可招魂，蠻餘出蜀門。
電涼隨雨氣，江熱傍山根。
蠶月綠絲路，農時碌碡村。
千將磨欲盡，無位可酬恩。

冬日送僧歸吳中

去掃冬林下閒持未徧經為山低鑿牖容月廣開庭舊
業雲千里生涯水一瓶還應覓新句看雪倚禪扃

留題

茶興復詩心一甌還一吟壓春甘蔗冷喧雨荔枝深驟
去無遺恨幽棲已徧尋峨眉不可到高處望千岑

龍門八韻

河浸華夷澗山橫宇宙雄高波萬丈瀉夏禹幾年功川

迸晴明雨林生旦暮風人看翻進退鳥性斷西東氣逐
雲歸海聲驅石落空近身毛作豎當面語難通沸沫歸
何處盤渦傍此中從來化鬢者攀去路應同

秋夜旅舍寓懷

庭鎖荒蕪獨夜吟西風吹動故山心三秋木落半年客
滿地月明何處砧漁唱亂沿汀鷺合雁聲寒咽隴雲深
平生只有松堪對露浥霜欺不受侵

晚春

征東留滯一年年又向軍前遇火前畫出鷁舟宜被襖
鏤成鷄卵有鞦韆澄明野水孤城立狼籍風花落日眠
賴指清和櫻筍熟不然愁殺暮春天

春日使府寓懷

一想流年百事驚已拋漁父戴塵纓青春背我堂堂去
白髮欺人故故生道困古來應有分詩傳身後亦何榮
誰言合負清朝力獨抱風騷破鄭聲

春日旅舍書懷

出去歸來旅食人麻衣長帶幾坊塵開門草色朝無客
落案燈花夜一身貧舍卧多消永日故園鶯老憶殘春
蹉跎冠冕誰相念二十年中盡苦辛

褒斜道中

十驛褒斜到處慵眼前常似接靈蹤江遙旋入旁來水
山豁猶藏向後峯鳥徑惡時應立虎畬田間日自燒松
行吟却笑公車役夜發星馳半不逢

許州德星亭

漢水南流東有堤堤邊亭是武陵溪槎松配石堪僧坐
蓋杏含春欲鳥啼高樹月生滄海外遠郊山在夕陽西
頻來不似軍從事只戴紗巾只杖藜

獻僕射相公

清如水玉重如山百辟嚴趨禮絕攀強冠外聞須破膽
平人長見盡開顏朝廷有道青春好門館無私白日閒
致却垂衣更何事幾多詩句定關關

折楊柳

有序

此曲盛傳為詞者甚衆文人才子各衒其能莫
不條似舞晉葉如眉翠出口皆然頗為陳熟能
專於詩律不愛隨人搜難抉新誓脫常態雖欲
勿伐知音其舍諸

華清高樹出離宮南陌柔條帶暖風誰見輕陰是良夜
瀑泉聲畔月明中

洛橋晴影覆江船羌笛秋聲濕塞煙間想習池公宴罷
水蒲風絮夕陽天

暖風晴日斷浮埃
廢路新條發釣臺
處處輕陰可惆悵
後人攀處古人栽

潭上江邊嫋嫋垂
日高風靜絮相隨
青樓一樹無人見
正是女郎眠覺時

和花煙樹九重城
夾岸春陰十萬營
唯向邊頭不堪望
一林顛悴少人行

牕外齊垂旭日初
樓邊輕好暖風徐
遊人莫道栽無益
桃李清陰却不如

衆木猶寒獨早青
御溝橋畔曲江亭
陶家舊日應如此
一院春條綠繞廳

楊柳詞

暖梳簪朶事登樓
因掛垂楊立地愁
牽斷綠絲攀不及
半空懸著玉搔頭

西園高樹後庭根
處處尋芳有折痕
終憶我遊桃葉舍
一枝斜映竹籬門

劉白蘇臺總近時
當初章句是誰推
纖綵舞盡春楊柳

未有儂家一首詩

自註云劉白二尚書繼為蘇州刺史後賦楊柳枝詞世多傳唱雖有才語

但文字太僻
宮商不高

吳姬

龍麝熏多骨亦香
因經寒食好風光
何人畫得天生態
枕破施朱隔宿妝

退紅香汗濕輕紗
高捲蚊厨獨卧斜
嬌淚半垂珠不破
恨君瞋折後庭花

畫燭燒蘭暖復迷
殿帷深密下銀泥
開門欲作侵晨散

己是明朝日向西

樓臺重叠滿天雲
殷殷鳴鼉世上聞
此日楊花初似雪
女兒絃管弄參軍

身是三千第一名
內家叢裏獨分明
芙蓉殿上中元日
水拍銀盤弄化生

省試夜

白蓮千朶照廊明
一片承明雅頌聲
更報第三條燭盡
文昌風景畫難成

寒食日題

美人寒食事春風折盡青青賞盡紅
夜半無燈還有睡
鞦韆懸在月明中

宋氏林亭

地濕莎青雨後天桃花紅近竹林邊
行人本是農桑客
記得春深欲種田

老圃堂

一作
曹鄴

邵平瓜地接吾廬穀雨乾時偶自鋤
昨日春風欺不在

就牀吹落讀殘書

影燈夜

偃王燈塔古徐州二十年來樂事休誰見將軍心似海
四更身領萬人遊

十萬軍城百萬燈酥油香暖夜如蒸紅妝滿地煙光好
只恐笙歌引上昇

盪屋官舍新竹

心覺清涼體似吹滿風輕撼葉垂垂無端種在幽間地

衆鳥嫌寒鳳未知

開元觀間遊因及後溪偶成二韻

山屐經過滿徑蹤
隔溪遙望夕陽舂
當時諸葛成何事
只合終身作卧龍

贈歡娘

八歲善吹笙

一束龍吟細竹枝
青蛾擎在掌中吹
當初縱使雙成在
不得如伊是小時

子夜


嫖姚家宴敵吳王子夜歌聲滿畫堂此日相逢眉翠盡
女真行李乞齋糧

贈韋氏歌人

一曲新聲慘畫堂可能心事憶周郎朝來為客頻開口
綻盡桃花滿樹香

黃蜀葵

嬌黃新嫩欲留詩畫日含毫有所思記得玉人初病起
道家装束厭穰時



御定全唐詩錄卷八十二